


# 牧隱集

卷十八  
九

# 詩



				漢書門類
		一七九	一〇五九	
二	一	九	九	
三	一	函	號	
冊	架			

庫	文	閣	內
三	二		漢
八	一〇		書
函	五		
二	九		
〇	三		
冊	架		

內閣文庫	
番號	漢 11059
冊數	23 (15)
函號	318 160






牧隱詩藁卷之十八

六月十五日戲題

淡草天庫

燕山客邸蒸紅塵汗流洽背疲精神吟詩東望扶蘇  
 山紫霞洞壑松風聞高歌緩舞在眼中芎衫半濕杯  
 盞重致身其間固難得使我兀坐焦心膏投綬歸來  
 亦久矣檢束何曾償素志中書携酒挹飛泉漱客盡  
 是當時賢我獨非才忝座上乘興欲拍洪崖肩水聲  
 入耳清冷二滌去煩熱吾心安天分地勢忽不樂老  
 大光景如流星迤來抱病坐卧多身欲奮飛將柰何  
 雖然小隙亦無興不見黃河萬古無回波如有求我





迨其謂洞天風露同婆娑

是日

賜兩府宴于紫霞洞病中聞之喜而有作

康濟時艱將相功 聖心珍重古難同  
推恩白日上 廷上錫宴紫霞岩  
洞中地與蓬山非異境  
松如社 有清風  
安危注意交 權處祗恨無由着病翁

又聞無公謙各開酒席因成一首

公謙無由着病軀 柰何私會阻清娛  
紛二田第相招 喚兀三書牕  
獨學謳石澗 松蘿垂几席  
冰峯芥果暎 盤盃誰知夜半唯  
明月寂寞繁華共一途

陪先公謁老吉昌君林亭設食有新米粥六

月望時也其後問於人益截米有法非真新  
米也禾知是否今在近鄰適丁是時因賦此

水田多稻養吾民 東國由來歲取陳  
早晚異宜當自 別三歲得法尚如新  
松齋餘慶猶前日 柳洞幽居接  
後塵未老已衰吾 獨嘆羨公爵  
舊過先人

即事

花木盆中各自春 汲泉膏土四時新  
全憑人巧能如 許恨不接我海上椿

流頭日三詠



上黨烹煎味更真雪為膚理雜甘辛團一抵恐粘牙  
齒細嚼清寒自遍身  
水出真源自不窮雖然百折竟趨東何必創立派頭  
飲欲保初心直到終  
苗馨清亮逐風來何處華筵盡日開恨不塞聰忘世  
事少年狂興自難裁

寄題舅氏池亭池有蓮

白髮蒼顏政退休紅粧翠蓋儘風流誰憐多病塵中  
客渺一鄉山不入樓

又吟

閉却蓬門低我顏年來興味盡清閑紛一此日共徵  
逐衣一諸公方往還太室門前石橋下紫霞洞裏  
松風聞吾兒伯仲六爛醉竟夕對吟龍首山

克聰首座新入南溪院

數年中道山如畫今日南溪草似茵道眼縱然通宿  
命應嘆老牧不如人

聞說當年土地神也能分別住持身慈恩領袖瑜伽  
去肯把絲毫笑與嗔  
栴洞況一遠市塵天塲房釋自天真肯嫌酷酒頻和  
引况是南溪又近鄰



仲夏以來若欲賞蓮一日遣長騎注候則雲  
錦池花亡久矣獨廣濟池盛開於是命駕而  
往綠堤信馬偶得任中郎林亭邀天台懶  
子同賞公設食作碧筒飲向晚解携因過南  
溪院既歸則日已晚矣吟成二首

雨過池塘靜不波柳陰深處得人家日移疎影葡萄  
蔓風送清香菡萏花學飲象筒傾綠酒寄懷台嶺暎  
丹霞歸途身世何蕭爽小憩南溪欲暮鳴  
雲錦樓臺影倒波風流玄福是名家世臣望重詩書  
澤君子名高水陸花歷、廢興螢化草零、賦詠驚

兼霞人間流何處疎迤一首新詩字濕鴉

聞蟬是日立此

蟬鳴高樹客搔頭又是梧桐一葉秋  
蕞菜鱸魚歸興動鎮江二水抱村流

浩然歸興幾面頭萬里江山碧樹秋  
處、蟬聲驚客耳故鄉魚稻自風流

伴貂深恨上人頭獨向山林占斷秋  
翳葉藏枝如隱士冷風吸露似清流

清道新太守文益漸告行

燕都夢裏昔驅馳滿面黃塵只自悲  
辛苦歸來志受



義太平歌詠錄為詩朝中袍笏將三品嶺外江山又  
一麾偃卧病床來往少不知數歷已多時

嘗蓮餘興不能自己吟成一首

人心那得頓忘私未到從容中道時富貴功名誰定  
奪謳吟舞蹈我行移送來佳月長風遠炷罷清香白  
日遲欲識蓮花真面目他年點檢牧翁詩

又作捲浮萍見  
日照紅粧水底明

日照紅粧水底明翰林詩句使人驚浮萍捲盡天光  
淨不費丹青自寫生

是日命僮僕入池捲去浮萍花影倒垂上下

一色甚可愛也因思太白日照紅粧水底明  
之句即欲足成一首竟未能而罷數日骨酸  
雖或吟哦不得沉思略寫一時情景以為後

日追述之地衰病如此可不悲哉

樹影朝西暮向東婆娑隨分入窓中應憐午熱無逃  
處細吹來北牖風

門外垂楊一樹長也教驕從得微涼草殿歲三松簷  
薄不耐朝陽與之陽

松下清風石上泉山人不識有炎天塵掌兩脚心中  
惡踏得懸崖即地仙



翼廊與廳如此所以有山中之興也病中  
畏熱故賦此

又賦

古來豪傑共奔波避世醉鄉知幾家自分於人無竹  
葉誰教博士有蓮花南池荷露瀉明月三嶺松風吹  
紫霞獨詠群游俱寂、夢回鐘動又啼鴉  
早知官海是風波肯向南山晚始家鏡裏光陰頭似  
雪酒中天地眼生花自憐打傘乘微雨無復登樓詠  
落霞誰把瀘溪愛蓮說曉窓相對到昏鴉

代書答全羅鄭按部

氣沉方暑雨身健欲新秋渺二全羅境悠二搔白頭  
代書答開天行齊禪師寄茶走筆

同甲老弥親靈芽味自真清風生兩腋直欲訪高人

戲南溪聰首座

城中衆水此同奔大雨注、漲入明塔似梳竿高百  
尺嵩師宛在水精園

鳴岸菘田接稻田扶疎老木帶蒼烟依然三過門前  
路薤露聲中獨坐禪

夜識金銀是不貪有錢還住大伽藍南溪香火蕭然  
處月請官糧心美談



送異姓四寸弟金有暉赴任寧越郡天水峰頭作

舅氏今無幾吾生跡轉孤鄉山連上洛海日出東隅  
我病思還芴君強且剖符寧親往來處學確化平途

峰下蓮池盛開

長松峰下貯清渠翠蓋紅粧倒碧虛過客紛纒方縱  
艸居僧寂一獨觀書地歲寺裏吟哦後天水門前澥  
迨初老牧已知無量義密雲甘澍更踟躇

賞蓮坐久兒子輩取米城中設食午後雨暝  
東西山而不至坐上甚可樂也僮僕猶懼其

或至也邀入寺中飲啖夜歸代蓮花語作

蓮花見我知素識花不能言請代臆東方仁壽君子  
國風移俗易迷聲色我處汚泥亦不染豈獨中通仍  
外直吾家苦心天所賦鄙哉撮攬多反側先生霽月  
光風如愛我始自瀛溪書雖然久病精力衰有句草  
筆還紆餘丹青巧手寫真耳何曾騁驛傳吾志漏雲  
殘照雨絲二我愛視山隱君子公其少留慰吾心荷  
公厚意頻相尋今朝邂逅實萬幸廣濟風味誰為深  
室頭懶殘我判事談我妙處皆驚異靈山雖不參四  
花却為後來親授記如今流入詩家中奪胎換骨爭



天工白雨遠暝東西山婆娑老牧游其間華嚴世界  
更何處一味清淨身心閑

朝吟

夜卧骨酸甚朝吟心快初煩敲如什韻辛苦在三餘  
荆棘生松逕莓苔滿草廬殘齡苦無賴袞袞送居諸

送億政禪軫大禪師

孤生將避地億政自無塵奕奕衣冠宵飄飄雲水身  
驪江可行李雉岳是比隣何日歸田去溪山一笑新

寄呈忠州牧使金存誠判官金肇

蒼苔柳洞絕來轅卧病數年長掩門今日龍頭小童

去始知吾黨在中原

中原山水寂清涼烽火天涯轉渺茫更喜卧治公事

少獨游何害到僧房

僧房近世亦忙奔新事如毛逐日繁願使安心且安

坐香烟一椀滿乾坤

送龍頭住持生公

龍頭冒暑遠飛錫雨脚隨風亂洒壁松岳之雲錦綉

紅金迂之水琉璃碧曾為僧錄寂得體欲報佛恩頂

拂迹升堂說法振雷音把筆寫經留墨蹟黃埃紫陌

夢初醒碧洞丹崖心更適只今泥淨行者愁到處澗



溪難可歷秋風不久吹却原早稻可知充館驛行厨  
得此亦不惡歸計決矣那復易驪江兩岸田甚多馬  
邑孤生心所憚扁舟便欲去尋師會面誰云七年隔

重游天水寺上黨韓公携酒見尋

重游天水興弥新佩酒相尋有玉人日照荷香清入  
鼻風涵松影冷搖身何曾夢裏能遺世祇喜生涯已  
離塵努力更須登絕頂老來無處暢精神

登天水寺西峰四望名山

不書詩句字如新樹下曾來避暑人謾向平時游病  
日偶從今日著衰身千岩競秀雲連塞二水同流雨

涉塵老去敢言憂社稷名山四面有明神

天水大選以西瓜見饗

醫王隙地有西瓜味似甘泉色雪華  
菡決黑犀猶不易何曾火裏種蓮花

天水池蓮

依二月夕與烟朝不憚城南道路遙自是吾生如白  
鷺豈知公子有風標

是夜紀行

送子讀書山寺中祖筵天水坐松風雨過溪淵勢漸  
殺秋近峰峦光更濃未有連枝願封植玉如成器在



磨礮夜來困卧思無盡汝且專攻師乃翁  
落日青郊信馬回清香彷彿逐人來蓮池翠蓋歌千  
柄指壠黃雲作一堆負郭良田誰得買對花長白  
難裁始知君子居何陋驛舍蕭條半綠苔

望龍頭行李

亂山初日草萋萋山路高低送馬蹄兩箇少年相逐  
去黑衣僧統政携提  
雨作迤夷行潦多參差官消傍江斜計程今日揚州  
過回首三山映落霞  
記我韓山幼讀書父游中國母松都當時一片思親

地與我終身作坦途

祖母當時鞠育心青天難濶海難深身登兩府年知  
命尚尔區區二惜寸陰  
龍猪變化學中存吏部能言世以尊今日汝當尤好  
此身文子又文孫

惠具大選見訪

昔携牧隱子今伴益齋孫迹削天台寺功成李氏門  
蓮風香滿院松月影侵軒坐教曾游處瑜伽海上村  
題雪谷卷

一朶玉芙蓉瑩徹何洒落衲子所深簷樵夫亦踏著



奉呈舅氏

清香亭記墨痕濃是夢中耶非夢中何日懶然隨佳  
境徘徊梁月與蒼風

古風三首

王風何寒之士習何膠之戰國互吞吐哀哉勢滔之  
趙利水就下甘心兵刃交伸連蹈東海千載如聞鼙  
漢祖信天授三章得人心雖然運中否入骨思何深  
柰何衆君子冒罷森如林管寧在遼東白帽傳至今  
晉臣麗不億裸將宋廟中家世與宗國一體無異同  
所以彭澤令脫去如飛鴻悠二千載下北牖來清風

兒子言天台判事欲邀僕再賞蓮喜忘志之

病後看花興未闌入聞日月似跳丸紅衣半落南池  
淨更向天台訪懶殘

奉寄雜詩尹河北元

當日菁川擁碧流一知移向倚風樓病中世事悠  
甚南望江山又欲愁

前數日登天一寺西峰愛其隳槩有鄙作後

有天台探到家記其名別曰吹笛峰也因記  
思亭題詠有用吹笛字者當時雖一評之忘  
之又矣今乃齧銀大印心自語曰聞其名於



前履其地於沒非天之澤猶不能融會而為  
一於是有感焉乃作吹笛峰一篇

吹笛峰吹笛峰可聞足踏韓山翁此翁平生頗好事  
馳山走海謳吟中但得意氣與顏頤豈與丹青如畫  
工松山絕頂少天下上祝國運齊蒼穹天摩以東家  
奇特我冠奉芴朝王宮龍懸橫案獸爐前蘿圖鳳曆  
垂無窮誰知一點鎮風門昔賢遺迹苔痕濃一株老  
樹蓋其頂炎天颯尔來清風古人今人若流水文章  
道德知誰雄新秋涼氣滿天地煙水沙月相為籠身  
閑便是此心閑胡不佩壺携冠童諸公儘有山水癖

所處地位何昭融五更待漏夜還家豈有一隙紓  
忬我今老矣胡不樂吹我洞蕭天地空直駕三山一  
隻鶴超出烟霧游鴻濛

熱甚自慰

春秋聖筆紀無冰我少猶驚冷氣騰德政在細寧有  
亂陰陽順軌敢相凌松枝垂薄青仍秀溪水風微綠  
更澄不患病軀難攝養共喧今歲儘豐登

秋稼如雲接遠天吾民舞蹈儘欣然  
頌冰不及膚何害畏熱尤深自可憐  
曼膚多汗憂三伏病骨偏酸  
卧幾年只得西風涼一陣牧翁無處更心煎



再賦廣濟蓮池

相尋直恐或相踈，欲向池邊對結廬。  
風定聞香應洒落，月明看影更紆餘。  
元公茂叔明吾道，智者禪師演佛書。  
幸是此心曾不俗，肯教聲色累吾初。

扑淵布瀑歌熱甚，故歌之所以接水聲於耳。  
目焉耳。

翠岩壁立千丈強，上有小淵如鑑光。  
中央鑿石坐孤松，二令不見苔痕蒼。  
天磨北崖衆壑水，奔流到此如津梁。  
溢而下墜懸銀河，濺沫四迸如露霏。  
游人小立毛髮豎，觸石隱々如鳴鼉。  
六月炎蒸不敢逼，汗層生

粟仍摩挲我昔行，香四玉寺年荒餘。  
隙登山坡臨流狂興自發越，直與太伯歌短歌。  
下視徐凝不足數，誰知今日愁沉疴。  
偃卧時々想前躅，况此苦熱無奈何。  
誰能置我瀑布側，冰聲入耳坐見月色來。  
婆娑

同甲許政堂上官廡謁時，宰因過陋巷熱甚，僕以困臥故出門拜揖而已，不敢留。

新政堂過舊政堂，改衙華剌細仍長。  
目昏重視難成字，身困初興懶下床。  
碧柳綠烟搖里巷，青美白日照康莊。  
黃裾引道徐行處，餘慶揚州尚未央。

西京大東江有魚四時及賓而冬有凍魚夏



有乳魚乳魚於李時敏處曾知其味三十餘  
年不能忘也病中求之不得今承制家有之  
不知而從來也命治而食之究有舊味然不  
及前遠甚因作短篇

朝天石下琉璃水錦鱗游泳天光裏四時歌舞盡  
中辛辣滿盤飛縷膩天凍成一片雪當夏用鱖真  
味別全齋出自鳳州城世任西京皆烈烈獨究遺編  
繼古風節義不獨文章工我少之時喜相從情好不  
啻如蛆蛭鐵洞山南唐寺北入贅武家老婦翁喜我  
子弟或夜宿添酒挑燈日出東其時朝飡始一嘗今

三十年如電光病夾口苦不能咬坐想舊味焦心腸  
因風請托竟難得摧頽已矣吾何傷渠能致此亦幸  
矣養志養體終不異雖然咀嚼不及前自喜猶存舌  
與齒

即事

夜眠不著骨多酸早起何傷氣稍寒一首新詩才脫  
葉數莖衰髮不盈冠風牖對竹居何陋雨沼看蓮興  
未闌漸覺吟咏如繪事紅粧翠蓋碧琅玕

不耐腰酸欲暫眠却扶藜杖望青天炎威尚熾猶乘  
勢涼意方生未得擁碧柳引風吹瘦馬綠林遮日護



新蟬獨憐久病餘清興頃向天台更賞蓮

柳洞南大街施漿水芥果侑以音樂家童走

報歌以紀之

暑氣洪爐蒸六合行路汗流方雜沓爽然一吸白雪  
漿五內頓清風颯々芥果浮沉碧玉涼目視已似冰  
堆腸繁絃急管又迭奏過者傾耳方洋洋々變童走報  
日欲晏孟光聞之喜形色出米于廩擣以烹買芥于  
市戒必得除飢解熱仁者心在困遇救感也深所以  
我俗有此舉仁壽不死傳至今我病多年近藥物攻  
邪補虛相甲乙炎天水漿立有效備急方中當續業

曉雨

夢覺方嗔病骨酸颼然朝雨送微寒誰知爍玉流金  
處一段清冰入肺肝

伊山李上舍

吉商雨中來過云將往西海道

伊山少年游璧水直欲蜚英事天子歸來東海學隱  
淪剛厭碌々隨簪履低頭讀書發精微希賢希聖同  
其埽江郊雨聲韻蒲席海門日色侵柴扉朝中大官  
受王命豺狼狐狸迹皆屏伊山用律居幕中爭權輕  
重咸以正大官狹中或叱退伊山色和無所恠自言  
我道直如矢安用低昂工應對舞婦家居樂忘憂遇



賊顛沛妻帑愁伊山曰我一家主我天保汝將誰充  
挈家北來入京邑桂玉熬煎在呼吸也時故舊雖曰  
多何人投粲歌毛什徑從西海寄生涯薄田破屋埋  
塵沙還如百步五十步海賊往來驚鄰家人生禍福  
自有數伊山一生安所遇雖然天將降大任垂老艱  
難吾代訴

送蔡首座

移居妙覺洞中家病勢方深不柰何首座影邊堆藥  
物普明聲裏落燈花如論厚意師為最每向殘生我  
自多此去寧親尤美事贈詩還愧字橫斜

有懷九丞

苦熱無從得一涼清涼汗鐵融腸紫霞洞裏青松  
下石隙清泉冷雪霜  
夏課堂中風露涼苦吟強韻炭堆賜先生唱榜諸生  
應寂々空庭月似霜  
蟬聲又欲報新涼坐念浮生足斷腸當日舊游皆不  
見鏡中堪嘆髮如霜

昨至九齋坐松下松陰薄日將午熱尤甚於  
是告諸生曰入紫霞洞就涼冷處賦詠如何  
諸生踊躍導行至安心寺前亂水坐南岩刻



燭出題燭未半雨驟至引諸生走入寺衣巾  
盡濕殊有佳致賦三詩曰松風予所命也曰  
宰相行光陽君李先生所命也曰驟雨上黨  
韓先生所命也初持馬報僕者閔祗候安仁  
也從僕者閔令中理豚犬種學也從上黨者  
乃子尚敬壻安景倫也其邂逅者典校令金  
可久典法掾郎任獻典校副令廉廷秀也既  
歸頽然困卧及覺真如夢中歌以錄之日  
高矣

國家崇教多術大作泮宮高碑石仍開九齋各授  
徒使二青衿盈國都夏天都會松山麓讀書賦詩頃  
刻燭全篇警白世所知討論講習仍承昔賢遺跡  
可對越風移世變成挑掇如今灑洛教初行謳吟直  
欲求性情風花月露置度外肯復馳山魚走海煉句  
煉意知者誰用事用語無所師卦寶在我內自愧耶  
鄭學步今為宦成均滿庭芳草生白頭卧病難忘情  
九齋賦詠又如此何以償吾平昔志幸哉松風吹面  
涼白雨忽尔催詩狂聯翩封君我家病邂逅同風玉  
相映沉吟數首宰相行致君堯舜開太平非吾恃老  
自誇大敢請諸生更傾蓋茲游奇絕冠平時幸我同



志觀吾詩

熱困

秋陽燥烈欲燒身  
夜氣淒涼可暢神  
操縱仁工元身在  
在支持老物儘艱辛  
雖漸亂世無高士  
却幸清風是故人  
漸見玄蟬嘶碧樹  
書筵深處講彝倫  
閉門深坐出陽身  
鍊藥多生在谷神  
鶴去樓空心若楚  
虫鳴燈暗鼻酸辛  
霜染火甑聞丘老  
露滴竹枝思越人  
秘術而今難更得  
獨將吟嘯入無倫

近來達官以事敗者多矣  
病餘獨坐聊述蚪蚪吟

稟形眇末何區  
天地精氣猶昭蘇  
泥潛池沼沐雨  
露搖蕩水面如平途  
人心自古鶴州錢  
得隴墜蜀又眼穿  
將身變化豈不偉  
恐或理會今日尾

君子

君子何所疾  
沒世名不称  
所以學松柏  
傲彼霜雪凌  
吾心配天地  
淡如淵澄妍  
姪無遁形况  
此能不能百工  
各授職允釐  
庶績凝苟或一  
曠廢乃為人  
所憎抱閨擊柝者  
亦當遵準繩

已酉生負同年會  
貫種德新拜丞  
宣也隔壁危坐得  
嘗異味吟成一首



我家豚犬拜承宣上舍同年設賀筵雋味滿盤堆錯  
落老生隔壁飽芳鮮褰帷將出差還止舉酒初嘗喜  
欲顛但願諸公敦孝友移忠贊化格皇天

得尚州書 權季容

并見書中似不情挈家秋仲欲還京當時班列皆通  
憲且問何顏見友生

即東

畏熱登樓夜納涼歌枕秋吟餘味猶在夢斷興難收  
煩惱俄消遣圓通豈謬悠一燈明到曉情境淡如流  
山河非異境風景又新秋城市真如隱文章漸類優

先陰同家一天地亦悠一萬古無傳軌何人肯退休

謝禹大夫惠新火 玄室

自信長腰羨誰教病眼明霜威催早熟水德與俱生  
欸尔珠璣落瑩烈冰雪清秋風六紫蟹歸興滿江城

初四日曉吟

端居忌口廢吟哦但覺膏中鬱不知一夜狂風甚無  
謂四郊多稼未如何致君學術猶迷路本祖恩情似  
决河幸是良心存半點興來言志即中和

上黨與僕將訪天台懶殘子

芋火禪翁往地藏蓮花世界淨生香韓山多學貪如



病柳卷先生老漸狂  
蟋蟀堂前風細細  
駱駝橋下水茫茫  
何當共作池邊客  
盡日高吟興味長

使丘從注視駱駝橋水云涉者腰以上於是

縮坐又吟

由來聲臭苦難截  
且問蓮花幾斛香  
揮水碧筒元正直  
翻風翠蓋儘悠悠  
揚瀛瀛地爽襟光  
霽華嶽峯火隔渺茫  
原道何如傳太極  
放翁双鬢素絲長

有感二首

自昔爭名處何人肯避賢  
臺評如譯語國是在當權  
陳迹憐藜狗高翔慕紙鷩  
醉鄉將卜築枕趨送殘年

赫衣冠地盈庭國有賢  
誰能蒙養正自擬巽行權  
摸地兼雀區區蟻與鳥  
立名垂不朽死日是生年  
牧隱權類甚切名付後賢  
哦詩參古律下字有經權  
渺渺清秋鶴紛紛落日  
鳥病餘猶好事歌詠太平年

雨餘縮坐

蓮香細細夢中清  
欲向天台更目成一雨  
盆傾驚客夢衆川瓶瀉  
斷人行雖然玩物志不喪  
祇是正心功不精白盡我  
頭猶孟浪未知君子肯同盟

大雨

大雨通宵欲漏天  
簷聲四壁一燈前  
雄如萬馬磨刀



梁細似孤鸞入管絃敢過衆流成鉅海祇憂多稼沒  
平田化工用意真難料且守我窮當益堅

有感

紛之寵辱幾時休又况浮生少白頭霜雪自然逢皎  
日塵泥或者污清流楊雄寂寞終投閣杜甫行藏獨  
倚樓畢竟祇論忠義耳由來物議甚悠悠

天地悠之亘古今劃然長嘯豁頓襟四方雲氣似牢  
閉教日雨聲如苦吟楊柳乘絲藏洞口莓苔濯錦滿  
庭心他年未必鍾期在流水高山獨撫琴

翌廊

翌廊後庭高雨水流入中床座如舟浮屢卧衰病翁  
當年航斷港欲觀滄海東老境益迂闊識短迷異同  
俯首自長嘆上帝初降衷

即事

血戰場來是夏初海天烽火照儲胥捷音藥闥方來  
戲殺氣菁川尚未除馬汗欲乾彈狀上狗功難少發  
蹤餘如今料理真蚪蚪遺臭流芳付子虛  
公緘一道及門初臺吏高聲喚里胥退食委地自廊  
廟荅書倉卒在庭除昇天府裏無居右壘石樓前不  
教餘江界安州功又寂幸教彈劾語皆虛



恭遇

聖誕日曲城府院君廉公榮原府院君尹公吉

昌君權公進 紫門將致賀禮中官出曰停

朝會還受私覲穡從三大人得見中官面退

而自幸吟成一首

牛女佳期天氣涼九重清曉獸爐香虹流華渚祥猶  
韻黿戴神山舞欲狂瑞日曛臨海宇慶雲靄繞  
宮牆庶幾坐享千齡旦好播仁風及四方

自詠

稍欣燈火近新涼靜坐心清聞妙香欲與菊花將隱

返田思柳絮似顛狂世途渺二頻脂轄聖道明三獨  
面墻病廢數年吟更苦時二警句即良方

七夕

徒聞天女下停梭大布鹿繒兩躡躡乞得巧時將底  
用弄來成拙取譏多

即事

露滴銀河夜氣清盤堆芥菜到天明閨中小女持針  
線綉出天吳十倍精

有感

將相交驩氣自調絕無欺蔽况人猶吹毛共駭方求



茲列頌堪憐競結交雲擁炎威蒸趙日雨拖涼意入  
韓郊天地中和堪樂處誰知老牧獨曉

哭權興祖判事

醴泉孫子幾人存丹旆翩翩向九原白髮病翁難執  
紼獨吟危坐掩柴門

興雨

興雨祁祁遂及私秋風哇囂已離披天時人事相參  
贊國用民生共友持老病食新香齒古古今言利祈  
毫釐溥自責何寒閑靜坐更觀雲漢詩

有感

元興朔雪中艱苦立朝廷將相一心力普天仰星靈  
泰極運中否相殘刑發腥南風吹金微樹木多冬青  
君子有浩歎兩鬢入星  
大舜明四聰決然去四光仁心所浸滂天下歌時雍  
纖雲乍點綴日月光太空俄而愈澄霽玉宇生清風  
君子有浩歎淡然守吾中

即事

寂寞孤蹤避世紛簞瓢樂處漫云二一生濁氣雜清  
氣數片白雲聯里雲今世尚傳良鏡賦何人能改拙  
翁之老存直欲笑遺藁漸見儒冠似聚蚊



鏡中双鬢白絲二坐不衣冠豈禮云把筆有時驚驟  
雨倚窓終日看行雲真蹟自合來黃綺勸善誰能後  
子文世道如今非舊貫時際屋角有鳴蚊  
世有仲連能解紛寂寥今日更何云高深寧及心中  
海翻覆端如手雨雲三峽星河工部句中州布粟子  
長文劉勰已愧少年事漸似負山將青蛇

走筆奉寄法泉僧統

細說因明與釋名瑜伽玄旨似雷鳴何時萬法皆相  
應踏得毗盧頂上王

水精蒲萄

數朶離三綴水精肌膚瑩穠子分明誰藏萬斛酸  
味齒舌中間瓊液清

林三蒲萄黑水精汲庵老筆壁間明依然山寺行香  
處咀嚼詩聯徹骨清

一段清水與水精結成微質似空明高歌白雪初嘗  
慶月下金樽更至清

未辨驪珠與水精綴珠環佩奉玉明誰知絕羸拖長  
蔓掛得弥候格甚清

是水精耶非水精團圓箇二更通明最憐獨得中和  
味水蘂徒誇苦與清



一百四十箇水精掌中圓轉眼中明牧翁心地今茅  
塞對此俄生一點清

君子

君子本不黨藍梅異賦酸調和迺成味易牙可與食  
使或一相反豈徒傷肺肝陰陽成精粹養育無留殘  
相亦亦相濟非類固或干反觀一身內心廣體仍胖  
何以及天下天三六六官

秋雨

向曉浪三簷溜聲病夫双耳不勝清掃除酷熱酒初  
醒探借嫩涼詩忽生秋穫殊垂老農意夜談偏動舊

游情何須壯士天河挽自足露電洗甲兵

簷聲四面雜雷聲不獨心清眼亦清狂欲詠歸鏗尔  
舍氣從集養浩然生十年燈火是陳迹一片江山無  
俗情待取西風吹去了且須捫虱坐談兵

七月十五

浮屠解夏錫如飛萬水千山携影歸只為過冬糊口  
計每教塵土汚禪衣

年、結夏得安居乞米民間儘有餘坐到西風吹雨  
去又携瓶錫向閭閻

市中惡少自相誇躑倒長身似折麻曾向奉恩庭下



見白頭今日眼昏花

十六日

順正王太后韓氏忌旦也設齋于

王輪寺奉都評議使公緘助以加供吟成一首

芒二玄鳥降生商孤矢當年爛有光百姓不知天作

合一人有慶國無疆箕封遺業山河杜松岳明堂曆

數長稽首梵維三昧力扶持 聖壽配穹蒼

獨坐

寂二虛堂白晝長乾坤一片黑甜鄉數聲啼鳥未風

細身世悠然墮渺茫

清淨虛空八面通本無一物儘玲瓏莫將形質還相

礙軒首由來似斬風

瞪目看來一物無片雲孤鳥在天衢盜陽也有恢

地萬古乾坤大丈夫

一葉扁舟着病軀肯將双脚踏泥塗虛中三命茫無

據欲學飄然向五湖

訪懶殘子

早興上謁判三司移駕閣尋芋火師雨似跳珠洒清

簞荷如傾蓋滿平池致身福地將忘世失脚危途致

駭時酷酒引陶猶昔日少年行處繫垂絲

有感



錢神聚散豈徒然  
忘滿由来善避權  
黃兔以來双眼  
在白頭危坐  
一心煎石崇  
蠟炬今安在  
元載胡椒世  
所傳誰識  
輩孰有餘樂  
病中三省嘆  
回賢

次韻奉寄李道村

蹇步今猶甚  
沉疴未盡平  
江山空一望  
風月是三生  
世亂心逾苦  
秋涼物自成  
萊羹調玉粒  
深荷故人情  
昨日子安可  
遠修北方表  
章請予潤色  
病餘  
茅塞吟成一  
首將以舒堙  
鬱也

二子文章皆秀發  
獨吾學術本荒疎  
誰知孝索群書  
後自值呻吟  
數載餘  
少日劉惔殊窘迫  
老年監館似

容與討論潤色  
恨無力  
天命人心安在歟

六幺

一片空中地  
推移自趨時  
東西分有限  
南北至為期  
海鳥飛相及  
舟人卧不知  
大哉觀物處  
商確欲從誰

謝寧越弟送香脯

忽訝香吹遠  
還憂齒決難  
知君政閒暇  
記我尚辛酸  
雨罷山光秀  
秋深月色寒  
清心空坐嘯  
不肯整衣冠

即事

西峰深樹錦鳩鳴  
雨氣朝來又乍晴  
多病比年催我  
老太平盛世荷  
王明叨居翰院陪  
群彦謾說儒冠



誤一身白髮政宜還笏去驪興山水有餘清

靜坐間猶狗符接赤脚適見而救之心語曰  
昔畜也何不相悅如是哉吟得猫狗閤一篇  
狗稟西方金火氣身居軋泣何剛毅猫雖如虎甚柔  
脆嫉惡豎毛奮如蝟守門司盜豐錢財管庫捕鼠完  
廩餼論功一家難弟兄相濟相須胡不平狗去也豈  
肆其欲猫去也鼠縱共情主人坐不安睡不成榮衛  
消耗何以延其生狗兮猫兮曷日能同心白頭收憑  
方况吟長風颯一吹高林

即事

處世身如寄傷時夢亦憂蒸豚猶見饋死馬豈知求  
夜靜月低戶秋晴風滿樓病中消遣處野興儘悠

即事

薄雲清曉日蒼涼獨立軋坤顧四方只恐心源昧形  
影須知物像動輝光蛩聲滿枕夢魂冷燕語隔簾歸  
意長自是秋風年例耳柰何騷客熱中腸

跋閔仲玉還學燕都詩卷因成三首

壁水洗三五百生同鄉只有雪清恨當年駕洛驪興  
秀伴讀猶能說姓名其時有草伴讀者能言二公  
曾庠風物暢皇靈照世文章似六經自恨半途還入



谷不教中國用曾青

河南幕府聚群英借箸尤多國子生白髮海東捫虱  
處儻教双眼見昇平

曉吟

數日吟來好句無只緣身不在江湖桓圭袞冕非閑  
適旨酒嘉肴謾譙娛黃鶴樓空詩尚健白鷗波遠詎  
何廷心中一點憂君如自許堂二大丈夫  
點檢吾心乍有無湛如古井闊如湖寧容俗物能相  
敗自信嘉賓可與娛二典堯天依舊大七篇鄒國至  
今廷誰知鶴嶺龍亦下敢尔希賢一老夫

明去寂滅與虛無又不將身向五湖終始功名天所  
賦平主義理日為娛翮雲不怕乾坤開蹄鐵何妨道  
星透發興直趁光大域却憐曾點是狂夫

題紺岳禪師卷

泃漫紅塵客飄搖紺岳師由來難作別幸是不相知  
宿鶴松枝吟流螢蕙葉衰上堂拈祝畢靜坐讀吾詩

乘桴嘆

官尼違二天意悲麟出見獲非其時東游西歷席不  
暖三千七十空追隨畏匡削衛亦自得儀封有人能  
齋咨歸耒把筆檢魯史立萬世法吾何哀攝行相事



已可見使之得位如何其當時一嘆及仲由勇也於  
學為鑑基我今志滿位甚高病中數年生二毛昏迷  
瀕弱欠精力謾向書筵陳舜堯正成我后在天意老  
三血懶何能已會當學成入七學諸儒問難爭鋒起  
一言從容析精微誰復乘桴與夫子

新米

石泉直仲文送我以新粒粒白如霜瑩微光如濕  
蒸來香滿堂啖之真俯拾頃臆已滿腹氣應方汗靛  
起行遍庭中困而後小立吾饒老不減石利宜汲  
飲之用日戒匪以繼毛什

鵲鳴

鵲鳴西宅樹枝頭雨氣初收天地秋白髮老生方喜  
動偶題詩句亦風流

復馬

風蕭蕭兮寧祗復之損吾園固主何知莫將瓦礫傷肌  
骨天上麒麟自有兒

懷古

國家遭遇宋文明禮樂交修家太平制誥褒崇天語  
嘉朝拜履燾海封清病求藥物來醫老閑閱軍容報  
禍萌萬古難磨忠義在小中華節豈虛名



安禪者告歸因寄松廣和尚

長身霞袖走塵寰病日星樓望海山甚欲相携向方  
丈獨憐飛鳥在籠間

曉吟

風掃雨滴夜何其夢裏逢秋轉可悲老婦起占雲向  
處病夫卧到日生時忽聞鶻噪有喜事遙望萬飛思  
引詩稚子牽衣啼索粟箇中閑雅有誰知

少日修身望治平中年多欲汚虛靈白頭末路如賓  
退丹懇前朝欲主盟一枕風聲秋榻冷四簷雨氣曉  
燈青起者空外翻群翻願脫名韁送此生

將軍二

將軍一 身國君命新平崛起海鏡澄天臨兩陣伐大  
鼓將軍一麾軍容整張瞻怒目駿衛冠首蓋鋒鏑紛  
紛期我前我後敵出入巍然獨立如高山勇哉將軍  
古無敵圖形赫々凌烟閣直欲潛心慕伊呂何曾開  
口談衛霍由来兵之戒自焚相害相殘莫復云寂憐  
據鞍老伏波日中萬壘幸方雲罽東蒼波却指謗命  
也 自吉音明君

雜詠

感時因物暢精神老亦不然而世久又繁上金鋪苔綠



意白圭玉環三月刀身白如梧野難逢舜豈必桃源  
避秦情與悠無所累但嫌双脚踏紅塵  
山深啄木鳥驚人獨影禪悅味自真善下白雲東別  
洞靴中江永瀉通津忽驚過我移時語識者為誰舉  
世真何日相從攜手去高游物外謝簪紳  
恠辰神龍變化多二年湯旱枕雷車雖欲有欲一能  
制祗愛移時我故歌飛九天時雲浩蕩挾重淵慶月  
婆娑獨將韓說聊志復老牧年來兩髮皤

賀盧承制為

銀河列宿榜中人十五年來迹猶紉早識頭顱當異

列獨司喉舌已無隣周於理亂多涉義列白中郭少  
混真定再投翁双眼在更傾懷抱贊經綸  
乙巳科今十五年連知三舉選青錢茅亭野客纔居  
後星邑樵翁屢在前老病下歸寧免浴道隨已絕盡  
登山門生榮拜誰同喜獨坐吟詩更惘然

自詠

歲月如流白盡頭病中身世儘悲二精神頹養吟餘  
驗名利驅馳死後休自負曹參當一相二譏李廣不  
封侯更從河慶舒長嘯只有元龍百尺樓

奉懷幻菴



欲向米岩訪幻翁耳邊聽松風三闋直指無  
辰百折思心水向東每思夜話孤燈秋不耐秋吟四  
壁空他日細論鑽火法老生私欲倘消歇

西松田自龍頭

西松田自龍頭寺老牧吟於鳳味堂殿踞石面連突  
兀明臨之野歷微茫從知絕景增豪氣可三古科觀  
耿光細讀古詩今幾首也年開一便成章

古意二首

丹穴有孤雛飛鳴欲可為自坤可茫一大道被華夷  
一至我何嘆一此卷阿誌令人非不能架空難措辭

我本行大道忽焉迷所之狐狸啼我前烟霧沉路歧  
白日在中天舒光復何遲幸哉不顛沛改轍將何為  
我有一疋素長可數尺餘欲倩好畫者長松丈扶踈  
中巖以清風使我熱惱除此志竟莫遂歸來江上廬

柳巷喫粥

頗過西里愛醒狂對坐南樓發興長雨歇又來山變  
色風吹欲止草生香盤食淨潔吾恒飽筆陣縱橫世  
莫當更得碧珎陶隱子呆巷名義偶成章

朝吟

丹雀朝來樹上鳴主人身世謝營營小詩題罷心何



快好語聞來耳亦清  
只被虛名難自在  
倘容殘喘見昇平  
青山當檻花垂砌  
天意應憐病裏情

午吟

蒼顏白髮尚顛狂  
坐睡行吟趣自長  
風月徘徊清苦律  
乾坤混沌黑甜鄉  
沉酣雲夢平生足  
賡戲唐虞至治香  
自信卷懷今已久  
不妨憑此送流光

偶題

題出心猶苦吟來律轉嚴  
窮陰低柳巷疎雨滴茅簷  
心似三春鴈身如六日蟾  
誰知危坐處只得疑霜添

淵明

淵明天地闊無涯  
五月吟風氣自華  
一點苦心塵不盡  
歸來何處是吾家

自詠

且問汝將何日歸  
老衰貧病更遭譏  
只緣未報先王德  
不敢超然便拂衣  
且問汝今謀道無  
欲談道義却含糊  
只緣未學吾夫子  
不放心田終歲蕪  
且問汝今何所為  
病軀無力強支持  
只緣尚有丹心在  
欲繼元和聖德詩

將至光岩



曉風吹冷日光微立馬人家借袷衣老境艱難踐霜  
雪南州歸思更依

川流晝夜去云故遠山陵下村又是秋風涼冷  
後飄然直欲問真源

奉題幻菴方丈

幻菴庭宇淨白髮重相尋苔色難容足松聲可醒心  
地靈寔洞府院靜聽風琴情境俱忘了悠然試一吟

題栢庭行卷

直截根源欲透機栢庭遺響尚依稀終非摘葉尋枝  
者萬水千山携影歸

八月初一日游光岩夜歸就枕頽然達旦  
頽然就枕曉雞鳴渺渺光岩夢裏行白髮高秋心更  
苦青山落日迹通清孔明付托何寡闊靖節歸來已  
太平烽火江鄉今寂寞無從一睡足平生

蟬聲

細泉流月葉飄風欲斷還連乍異同曾記客程搔首  
立滌山紅樹夕陽中

秋風吹遍地天由未必蟬聲處同怨妾逐臣頭盡  
白大官豪俠面浮紅

牧翁長嘯振乾坤山擁高樓柳擁門入耳蟬聲水投



石心如灰冷獨忘言

北庭

龍沙秋色鴈聲邊海岸參差路幾千  
寂喜星軺通僻遠敢將壤奠效埃涓  
遠前宋後交馳日元北明南兩  
立生自古大臣多力量病中深感向蒼天

有感

倉卒恩逾重安寧勢甚蹙靈丹投病極  
美食賜飢餘世亂行須慎天高報不虛  
白頭心轉苦且讀古人書

古風

秋氣日淒淒仲尼日拙拙竟何為  
鳳兮仍鳳兮

初安超渤海靖節離風塵獨立悠  
甚懷我千載人

自詠

秋深門巷轉清幽盡日吟詩倚小樓  
蕩乾坤空送目悠々身世苦搔頭  
潛心直欲參無極壯志還如觸不周  
賴是中庸讀爽熟分明坎止與沅浮

心靜由來境自幽况逢秋雨滿西樓  
心游禮樂重興際身在江山欲盡頭  
處已自難貧且幾待人誰不重兼周  
曉涼四壁仍清坐野外寒雲浩々浮

走筆謝閔祇候惠松茸

松山風露近中秋瓊液成形滑似流  
老病口饒猶不



減尋僧直欲更高游

年三嘗此欲深秋不耐光陰迅以流老境政須謀口  
腹飄然往與赤松游

清州北野鴈聲秋下馬山崖傍碧流父老作羹來厚  
餉至今猶記是年游

秋興三首

風塵誰避地老病自號天吾道唯之空人生且食眠  
蛩聲庭露重鴈影塞雲連我有悲秋淚非緣外物牽  
言入還笏去至樂自難裁天下平如砥心中冷似灰  
苔痕埋陋巷月色滿靈臺渺々唐虞遠何時挽得回

久矣吾衰也那知養浩然病床難獨夜老境少同年  
露冷身初健天高眼欲穿幸哉塵慮淨更撫伯牙絃

謝鐵原金同年惠新米因起拾粟之興

八月風高鴈欲回春封秋色趁人來養賢真處賢知  
否卦象分明奉上台

坐想山村粟政肥金丸欲落映離之身何日飄然  
去拾得滿籠深夜歸

辛巳同年樂茵存分離無處問寒溫多君在把山由  
味寄向病翁蓬蓽門



牧隱詩藁卷之十八

牧隱詩藁卷之十九

雀聲篇

杳々復杳々樹頭雀噪聲杳々  
樾間喜子抽絲長上下政與香烟斜  
主人白髮整襟坐心地皎潔思無邪  
唯嗔年去至耳順塞聰叔視思重華  
思之忽成喜又喜俄頃泮渙空嘆嗟  
人間天爵貴無對帝有明命於我  
加哀榮一生用不竭且置喜怒哀  
中和

有感

病餘身世兩遽々白髮如今數丈餘  
豪氣何曾要換馬道情還似子非魚  
雲烟暗淡埋青嶂樹木參差際



碧虛欲學蓋公清淨處自憐衰老負吾初

為鍾禪者題刃菴

一條秋水寒凜然摧老姦太平然月處掛在白雲端

夜詠

風聲燈落燼夜雨席生涼夢短鄉山遠身衰藥物良

清談辨魏晉古意想虞唐何以消塵累秋光滿草堂

淒淒擁涼氣漠漠壓枝陰可羨鷹鷂擊寧復蟋蟀吟

露團垂蕙葉風細動松林欲出物之表洒然方寸心

秋日

秋色方深顧盼中小庭扶杖立衰翁石榴結實紅浮

日梨樹開花白映空天公用意誰能料世道關心我

自窮直欲谷袖游物表忘形到處是鴻濛

獨吟

動植雖踈闊相須自有方盲龜值浮木疥馬得枯楊

報國心如日歸田鬢欲霜何當償宿願蕭洒送流光

即事

柴門寂寞對山開兀坐秋風想釣臺松樹千尋挂道

漢梨花數點落蒼苔悠々送日還多故咄々書空入

幾回淨尽宵中何脫洒抽毫抵恨乏長才

狂歌



少年顏色如芙蓉，英豪競逐何從容。  
老來索寞不出戶，獨立蕭洒南山松。  
峭然危坐入太素，手弄日月馳六龍。  
婉孌織女亦七襄，爍爍及時成報章。  
須臾蓬塵又麈至，哀哉皎月投濁水。  
月可見兮水可清，吾之寸何時平心平萬事。  
六當平一曲狂歌無恨情。

紀事

啞童流汗走東山，拾粟來呈几案間。  
見面可知心所語，願公無病且安閑。

六言三首

夜雨淒迷燈火秋，風汎掃川原。  
老境頗忘塵慮窮，在

獨掩柴門

索隱無如玉海發，微還向天原。  
回首當年狂甚否，何操瑟齊門。

德行依稀孔道文章，照耀韓原有口皆稱相國出身。  
元荷恩門。

有懷成均館

泚水清風不起塵，長松萬樹擁明倫。  
玄陵宰公無恙肯使諸生或在隱。  
秋丁膳肉拜神休，自撥平生甚謬悠。  
幸是同僚猶在席，應憐久病雪蒙頭。



壁水光陰記少至八齋環列誦聲連升堂定怕抽簪  
講為是音訛意莫傳  
當時諸子恧真儒說到精微肯嘖嘖獨有牧翁後閉  
口中堂兀坐似枯株  
教養諸生豈有他欲令風化播中和金陵王氣回天  
意講舌徒然似決河

自述

寄形沙月戲春洲太白一篇雙白鷗恰似忘機無物  
我至今豪氣蓋中州

記南郊舊遊

病前行樂苦難追夜宿南郊雨霽時暝為吐氣故  
樹晴魚跳日藉田池變了老將鷹前立佩酒豪奴馬  
後隨忽聽秋聲今又急白頭危坐政沉思

次楊碧雲老先生詩韻

秋風蕭瑟觸人情身似浮屠壁不行頗信書空多怪  
事謾教驚世有虛名東南大海三韓近西北長天萬  
古傾榮辱紛々真瞽眼白頭揮筆寫平生  
老去言懷似不情閉門終日說游行水流晝夜堪明  
道山有神仙搃得名政愛草茵烟外展尚憐荷蓋雨  
中傾人間到處堪棲托只恨年來大瘦生



金剛山釋來言今秋山中皆言先生必至一  
紫之餘吟成三首

稼亭當日醉關東雪色攙天一覽中  
寂寂病軀難練

迹虛過五十二秋風  
先君年五十二游是

渺二韓山在海東題名上國桂林中  
封君食福從容

甚只欠高游繼父風  
聞說江南至浙東行人坐嘯笋輿中  
尋僧處二長松  
雨訪友家垂柳風

秋夜

秋風夜二拂高林不覺愴然動客心  
功業難成願

雪歸休未決手無金草虫浮月長歌  
枕塞屬他霜獨  
擁念日出事生還有味  
達塲作戲可浮沉

聾啞小童

可誇聰慧甚只憚指撥難  
白黑全憑眼蒼黃欲吐肝  
病危恒避遠拾粟不知寒  
糊口安身計依然是老好

紀事

及雨牆頽內外通登二補葉競催功  
誰知八面虛明  
慶暑此太平  
衰老翁淡蕩碧空行  
白日婆娑綠樹起  
清風家貧無物心閑適  
今古悠悠一笑中

秋風歌



秋風與我添精神  
吹我病骨除酸辛  
眼睛閉無似  
鵲寄懷字  
宙何超忽  
風之來兮自何許  
千山蒼然日  
而後美  
二大地微塵  
絕蕩  
大虛纖  
霧滅應  
磨月窟  
桂子成  
却觸雲  
崖蕙花結  
草榮木華  
餘精爽  
考而託  
曾結  
竺成  
聖人繼  
天制禮樂  
化所不違  
垂象刑  
四克  
云兮三苗服  
堯舜揖讓  
何精明  
秋風兮  
秋風亦胡為  
兮動吾之中  
我今白髮  
頽天命夫  
何力  
才立情功  
汝誠無心  
才為有心  
悚然把筆  
歌秋風

浩歎

我獨有浩歎  
悠々天地中  
側身東海崖  
草香菊蕊天

又秋山光當戶昏  
復旦東坡先生山有約  
半日正相  
草無惡  
二公天下文章宗  
我今如雲  
才從龍山之尊  
戶河偃蹇  
草生滿地  
河蒙昔對山  
玩草白頭翁  
自謂  
玉樹臨清風  
心知東野命  
懸天汗出北山  
移馳烟由  
來游藝  
非細娛  
坐令心地歸  
唐虞浩々歎歎  
又歎終  
朝兀坐如枯株

曉吟

入夜風大踰向曉  
風稍定  
客子方悲秋  
悠々坐仍暝  
凄然骨欲冷  
皎若心自醒  
便擬游名山  
凌空躡危磴  
蘇門長嘯中  
誰復嗟蹭蹬



即事

我夢無公旦東周不復西有生何草二到老竟栖  
踈塵流螢度殘燈新鴈嘶誰知苦心處我后在乾溪  
寸心煎百慮鬢髮白無餘高興無從廢幽憂未可除  
山川何淨麗樹木政扶疎向曉燈明滅浩然視大虛  
秋聲生古樹露氣入餘花映日垂紅果隨風動碧衣  
谷深千嶂合路豁一溪斜送客門前五依然五都家  
韓上黨邀同謁執政言光若理事因賦二首  
宗路精神耗中年齒髮衰趨時疑滿腹變志涕交脛  
揚柳纒藏寺荏苒欲流碑六年真石火國務歐如殆

國恩開更重家學病來衰自愧文無體人皆笑  
政堂工作兼茶院謹書碑墨本披禪榻茶烟繞  
自嘆

山青水綠晴江東小有天臨洞府中涼倒自憐無道

骨鮮書何處覓仙翁

八月十日

深歎雲自變老境氣弥豪夜冷裡如近天晴燕于高  
矣涼分有界法令細如毛祇恐堅冰至私心戒一毫  
有感

浮世多機足禍胎温言冷笑揔悲我長繩繫日終無



齊持藥道 臨去來

二龍三戰決雄雌 航海梯山次第來 問向拾遺能見

百三三同舍是何時

言門言地種瓜處 却被豪家占作壘 又見秋風吹正

急呼應云二年翻四

秋

秋風吹不休 碧空無纖雲 山川淨如洗 毫釐明可分

我心私欲消 大義思放勳 四凶既已去 三苗何足云

美利不言利 天下方同文

我氣秋之清 我性日之明 我身如玉樹 故葉以瑞通

當時困蒸溽 陰雨如不晴 忽此西風來 垢穢無復生  
願言善保守 君子當存誠

夜吟曉錄

夜深危坐兀 枯株血氣無從潤 駭膚月落南窗黑 如

漆草虫聲裏 七嗚呼

柳村岑寂曉雞啼 山下浮雲傍水低 欲向殘生賦歸

去 滿天秋氣日淒淒

聰明之處坐惺惺 全體依然盡露呈 物欲如雲忽相

蔽 掩來俄頃失虛靈

昨與上黨謁廣平 侍中至清城 侍中府之



入見出云公方醉歌不敢入至花園外  
來餉摘葡萄侑酒回訪權希顏同至清涼府  
公欲設酌予以醉舞趨出既歸就枕頽然  
旦恍如夢中吟成一篇

幸武與老病之餘聯鞍有客荆州如出游城中何所  
適門施行馬丞相廬溫言相接已可喜烹羊何必傾  
浮蛆先王花木名園中龍珠蚌卵垂晴虛益我萬歲  
不長松驚我老目仍踟躕梁生雪凝水崖人迹所不  
到乃何今也于茲居悚然內愧不敢言我身的是如  
遠蔭陟山有酒色未佳一飲萬事真破除希顏葡萄

勝花園咀嚼異味如吾初夕陽東峰照秋樹歸騎影  
薄風吹裾平生仰羨漢陸賈遨遊公卿無毀譽白頭  
牧翁亦蕭洒何必日歸歟歸歟

夜詠

初坐惘然動客情白頭方信誤平生天低鄉里双魚  
斷月冷星河一鴈橫詩藁將成吟又改燈花欲落鬢  
還明閑中冷古無人識靜定功夫恨未成  
消磨豪氣入醇真漸悔高歌動鬼神少日賦傳希有  
鳥老年說著不祥麟楚囚吟苦猶思越孔聖名垂尚  
在陳自念秋風吹又急白頭難避庾公塵



憶燕都

秋滿燕山落葉飛  
回頭有客思依依  
自來黃紙功名薄  
已矣碧臺歌舞稀  
天命赫然方北伐  
臣身最爾却東歸  
小憩寂然今衰老  
遇感題詩筆一揮

有感

老吏雖云少如今  
似漢庭反唇猶有迹  
誰腹本無形  
流影懸孤月爭光  
既眾星誰知清淨  
極殘忍自然生

雜詠

短尾山禽山下飛  
聲隨落葉影斜暉  
庭除得食荒涼  
意挾彈往來人自稀

即事

病裏幽居靜類村  
依翠微年二苦蓋  
苦頗美在油  
接迥洒飛雨  
壁踈穿落暉  
悠然樂容  
睽老我早忘  
游燕猶夢愕  
返魯足心安  
俗狀塵仍染  
僧談夜易闌  
蒼梧空一望  
清廟尚三歎  
駿白還多病  
何堪行路難  
忽有移居興  
非嫌柳洞深  
病軀難久坐  
異境可新吟  
橫障雲生  
油無絃月  
洒琴蓮花池  
更近冒雨  
擬相尋

中秋已近興懷發詠

中秋已近碧天遙  
月獨年三照二毛  
靜坐軒窗心寂  
苦奮游樓閣  
氣猶豪  
謫仙才逸鳴唐李  
慶士名高



晉陶何日驪江江上去一聲長嘯動波濤

自詠

福過且知命病深仍固窮悠然發高興已矣教孤忠  
跡冷鵲枝月氣吞鵬海風平生動心處寫向短篇中

夜吟

秋聲初淅瀝野興轉蕭條海闊歸玄鳥霜清擊莫鵬  
英豪方赫々天地儘寥々邪正終明白寧嫌衆口罵  
壁月耿中夜銀河明一條倚樓橫對寫得句疾如鵬  
妙處參虛靜殘生守寂寥是非誰復顧到老竟覺

黔州

乘舟誰敢逐流行坑下長吟暮靄生一陣清風潮水

眼不刊山色轉分明

冷地江上廣陵村山擁平田水入門記得落帆沙月

白老奴驚起具盤飧

曉雞聲裏夢初驚葦食門前馬又鳴路熟肯教人導

我白雲千嶂十分清

有感進士及第有不得出謝者賦此

湖閣諒貴重文章豈窮寒堯野無遺賢我今方永數  
六官考既細三場才亦難犀聽幸鶴立方欲呈琅玕  
云何始吹毛莫可知其端題詩寄吾悲慷慨涕淚



詠栗

步閣下墜紫金丸  
削去中巖白雪團  
樹下有人解  
損欲憑精力  
卻酸寒  
頭上已驚垂的  
二掌中還訝走團  
二爛烹肯避未門  
熱細嚼偏宜白屋寒

金烏飛影似跳丸  
又見黃花白露團  
記得去年燒栗  
慶東山月色夜深寒

中秋翫月上黨樓上

去年翫月東樓下  
柳林缺處金波湧  
今年翫月西樓  
上海雲弄影時  
澆漾主人豪氣蓋  
一時飲不盡器還

能詩憐我老病每相邀  
歡呼不覺朱顏凋  
去年今年一瞬息  
樽前劇談忘得失  
紛々世間足滌辱  
吾駸白兮難再黑  
對月不飲吾則癡  
我思古人誰我師  
千鍾為堯百斛孔  
匪棘其欲維其時  
我今不飲月應笑  
月且與留吾一嘯  
如鷲鳳兮來天風  
願言駕此遊彼蓬萊中

有懷前夜

病餘身因強登樓  
為愛金波溢素秋  
况有主人含雅量  
宜令老者散沉憂  
歸來乍似華香夢  
嘯詠俄驚汗漫游  
坐想驪興共奇絕  
星河耿耿淡如流



望三角山上雲

華山絕頂白雲飛自負無心何處歸我豈不知巖下  
宿只嫌絕學道人稀

我生行止儘悠悠消息盈虛摠不憂且問無心如可  
學南山四皓豈難求

問雲二答語皆真我亦當時洒落人莫道心中有查  
滓還來無處避風塵

老圃

老圃行年將八十語音清亮似當初祖孫四世共門  
戶精力如今尚有餘

早興

衰老身多病清貧勢自廉雲歸如卷旆天豁似褰簾  
飲酒紅浮頰吟詩白盡鬚悠悠二乘化處回首憶陶潛

得寧海棧中書

渺上天涯路窮鄉海嶠深里閨甘屏迹尺牘遠傳心  
末路年將暮中秋夜不陰相望更惆悵共對月明吟

有感

光陰袞袞又深螢玄札初參道德經佩印自誇遊六  
國乞縑誰識泣中庭月圓月缺頭垂白山近山遙眼  
共青不待歸來已逃世可憐西蜀子雲亭



曉吟

秋山如入戶曉日已登筵色淡紅浮樹光濃碧際天  
病餘猶氣短吟後可名傳祇怕流塵寂何慚陋巷賢  
避喧閉蓬戶承召赴華筵豪氣猶輕世殘生試問天  
露庭螢火亂沙塞厲書傳秉燭當勤樂悲秋未必賢  
自分關中老無緣病後肥禦寒唯故絮補弊即新衣  
送子讀書去寧親何日歸深秋我當往夢與鴈南飛

即事

投綬歸來東海西搏桑萬里碧天低山川秀氣扶英  
傑翰墨虛名近滑稽自擬拾遺游錦里誰招供奉飲

琴溪寄懷落雲松下鶴去鳳來誰得齊

碧天無際倚高樓渺渺江山草木秋詩句短長皆放  
膽衣冠雜還且低頭仙游或是狎青鳥漁隱誰能盟  
白鷗畢竟功名身外物從今萬事不如休

江村詩為鄭表作

昇天府裏山龜村鄭民居之臨海門海門摩利山家  
高山之左右波濤奔東連阻江西禮成魚鹽都會何  
其繁尔來日本喜竊盜近水處風塵昏陽坡坡先生  
老於學我少之時居獨士板房家近十川瀆兩耳至  
今詞氣溢當時江村鸞時梧老大可見光陰疾況予



衰病又多年每憶前修共軒輊章經授受是家風我  
愛江村老又忠文科立場既繼志吏事諳練仍匪躬  
官閑如在江村裏朝退便向江村中江村之樂難言  
傳興味酷似陽坡翁春風搖江天漠漠秋月照江風  
颯颯淫雨連江暑蒸伏飛雪滿江寒酸臘誰知陽坡  
有賢子慷慨通敏兼儒吏逍遙其中樂無憂共道雄  
才與雄志他年聯騎出西郊一片江村煩畫史

有感

敢道文章或可傳討論潤色已多年道心微著毫端  
判物像妍媸鏡裏懸漢室有人羞噲伍孔門諸子羨

回賢丁寧莫詫錚錚鐵我輩如今一直錢

江東歌

季鷹風采橫素秋江東之興何悠々尊絲滑凝雪成  
冰鱸魚跳空裂碧流鄉人日々作高會金樽美酒天  
浮內歌呼迭起舞長袖急管繁絃樂云寂金盤羊酪  
豈不好我懷我土吾宜退雄拔力可拔太山宰制天  
下指顧間當時鴻門擊玉斗逸氣烈焰驚區寰天亡  
肯右亞父策捲土重來多孱顏弔古激裂心如焚功  
名富貴如浮雲誰云季鷹是饒夫老我回首歆清芬

為



中秋已見菊枝黃  
牧老臨風一嘆長  
恰似少年吾蹀躞  
進帶霜能得細吹香

朱白紛然共讓黃  
栽培巧矣亦能長  
龍山九日開方  
盛半醉歸來滿帽香

中秋美影月流空  
十月吹香雪壓叢  
占得風光何大  
闊對花三嘆有衰翁

偶念江上秋

白鷺秋江如墜霜  
水中紅樹帶斜陽  
舟人自訝行明  
鏡我向風塵空斷腸

當年獨佩一壺游  
山北山南樹色秋  
更向舟中乘直

釣波光月影共悠二

澄江如練淨無塵  
岸上行吟有幾人  
松道巖光獨靜  
漢更憐徐福不歸秦

紀聞

人倫察有序恩義品節之懽然  
交際中風俗成雍熙  
父子不相保兄弟仍相夷  
睚眦拔劍刃濺血及酒卮  
矧又盜隣果至于南海涯  
天子置度外時方重興師  
永鼠必有禍勿謂如前時

八月十一日

開書廷臣穡臣仲和進講危邦不入亂邦不居



天下有道則見無道則隱邦有道貧且賤焉  
耻也邦無道富且貴焉恥也退而志之

篤信真如就坦途學而能守是工夫入居只辨邦危  
亂隱見遠從道有無治世拙二為棄物衰時赫二踐  
亨衢二人的是如臣穡面赤難禁汗被膚

自詠

詩興狂無敵時二逼謫仙品巖如野鶴孤潔比秋蟬  
露冷千林月雲飛萬里天悠然淡無累何日是歸年  
忘形多欲淨無累一身輕秋髮梳餘短風情酒後生  
沉吟當比興好辯匪從橫漸似霜天鶴高飛萬里晴

幸尔霑君祿徒能讀父書高情千載下多病半生餘

秋色山川淨風聲草木疎有懷傾磊落身世儘浮虛

奉謝東界黃令公送年魚走筆

一雙海中魚東界相公書老牧偏驚倒隨風落草廬

紀事以書送轉對在辭房聞笛人家近故也

短笛聲何亮依二秋滿空始疑飄嶺外漸似出宮中

鳳舞無從見龍吟亦甚工太平真有象南畝可明農

戲題

白駭何妨倒著冠酸儒正含骨辛酸心狂素信銅龍  
易足病方知跨馬難刈稻野莊嗔僕倦讀書山寺念



兒寒清秋直欲登高望久雨初晴路未乾  
陟巖常思到五冠懸崖自覺足心酸愛閑高枕悠  
甚避謗吟詩憂難夢裏猿吟蘿月白望中鴻去海  
門寒時二點檢平生事一片江山淨且乾

二十三日講不在其位不謀其政八字

天清地濁判高卑八氣流行各自知六月霜飛人有  
怨三冬雷奮國將危豳風愷悌初因物艮卦光明只  
識時赤面老生村學耳書筵進講被又欺

書清風太守吳思忠到界書目後

落第當年逢德水分符今日卧清風牧翁謾抱登樓

興寒碧相凝入夢中

柳巷樓上與廉東亭飲東亭取野雞東海魚  
而柳巷酒絕佳近所未有醉中又約同訪安

簫書明日吟成一首

東亭雖嗅炙生香上黨浮蛆味更長又嚼海魚來自  
遠絕勝鼎肉截如肪座中日轉頻移席樓外山橫快  
倒觴漸覺顛狂猶故態聯鞍欲訪桂杖堂

述懷

利勢相傾開雨雲年來世事更紛紛但將功業爭高  
下誰把光陰惜寸分是短鶴長元有種牛車駝圖各



成群願言知止仍知足淨掃靈臺奉大君

興國寺大街宰樞諸君會坐談

命判三司公與僕言其所以益請

上退乳母也

乳養從慈母維持倚大臣恩深當衛護忠至故敷陳  
忌器難投鼠成篇旋獲麟綱常禮為本今古美彝倫  
興國門前路平沙接禁垣廟堂方合坐臺省競陳言  
風急衣猶薄杯深酒乍温病軀微覺痛退食謝乾坤

即事

巡馬閣閣靜元戎畿甸清揚威張國步受命荷

三明鵲巧營鳩室兒驕弄文兵病餘何所禱將相保

功名

病軀宜自適健足又誰怜逐隊難終日施容愧老年

崧山松檟二兵部水濺二官道平如砥中官奉

旨傳

曉吟

群趨紫闥立多時自顧心中百不知承旨傳宣頻出  
入將軍張勢欲扶持庭中振鷺青天迥殿上呼鷹白  
口邊誰愍老臣難自退強支病骨歎支離

醴泉府院君夫人蔡氏忌齋廡侍中設行於



水精寺傑與廉相兄弟諸姻親登南峰顧瞻  
山勢但以烟靄示辨城中萬屋小晴則真絕  
境也隨山而下神孝寺

影殿在馬下馬步數十步出紅門跨馬至橋邊  
別諸公與東亭特過成均謁

聖坐明倫堂東夾室學官三負諸生二負來謁  
小歇而出至朴菴院門外分馬而歸

平康忌旦水精廬清淨僧筵照碧虛石龕聯峰似屏  
障烟沉平地尖閣間永陵影殿松侵戶文廟儒官草  
暎除病肺苦嫌謀飲酒寂寥歸讀古人書

晉光社主文兄送青苧

晉光社主遠投書青苧斜封數尺餘織得細時紗讓  
冷冰峰竹簾屋梁

古城小縣抵西林江路高低傍碧澗萍葉翻風遍村  
落女功勤苦惜分陰

金陵鳳詔降東方萬疋毛施歲有常保障蠶絲誰更  
問要將微懇徹蒼

龍頭大選以書來

龍頭大選上舡回來報善童心孔開始讀唐詩從短  
少端居梵刹寄崔嵬以聞寧越頻來饋欲訴驪江初



發醅何日此懷能得遂  
畫缸榼鼓倒金盃

承制外舅至夫婦設酌

庭闈閑寂在高軒  
夫婦傾懷置酒樽  
市遠盤中兼味少  
天陰榻上兩眸昏  
疎疎小雨映高樹  
淡淡斜陽明遠村  
半醉浩然忘世事  
發微何必向天原

送朴甥讀書鄉寺

吾甥似麟角  
乃父亞龍頭  
輕世遂填經  
傳家如綴旒  
寂寥山寺夜  
漂渺海門秋  
好學繼先志  
他年當出游  
無端赤我面  
欲去白吾頭  
鼓篋游庠序  
隨行拜冕旒  
吟今幾歲頃  
刻似三秋路  
梗身衰老何從更速游

即事

到處傾私釀  
渾家仰義益  
法衰民利足  
俗美士風廉  
落筆奔川馬  
歸田緣竹鮎  
朝來遇高興  
捩斷數莖籜  
老年驚迅晷  
世道倒狂瀾  
野菊如金散  
山林欲翠乾  
王生能結襪  
貢禹每彈冠  
未有歸田日  
那辭行路難

追記安東映湖樓夜飲

澆愁謀飲酒  
避亂亦由天  
江月開塵匣  
簷風聽雪絃  
謳吟勞北望  
醉倒忘南遷  
且盡杯中物  
岩廊集眾賢  
先王南幸日  
溫語出深宮  
鷺羽耀清旭  
龍舟行碧空  
中興佳氣暢  
外制小詩工  
誰念含香客  
蕭條成老翁



口頭十九載石火亦為遲大統頌新曆高吟續舊詩  
江山誰獨往風月我相隨在管敢忘却杳然天一涯

奉簡開天同甲

病軀聊尔耳醉夢欲如何門外搖揚柳天涯望薜蘿  
相思不相見歲月如飛梭

述懷

作輟無由見道明藥爐經卷送殘生身居箕國樂幽  
獨目注鍾山歌大平萬壑龍吟吹玉笛三峯鶴峙舊  
金城何時淨掃浮雲去宇宙同瞻日月行

追記夏課堂舊游

夏課堂中秋滿天尋僧往三思飄然鏡龍一夜難忘  
却細酌松醪聽雪絃

奉謝法泉送新米

法泉滋大旱新米照窮廬我欲驪興去相從應有餘  
龍阳照明月虎溪涵碧虛往來已可卜白駿政蕭疎

送門生尹商發赴官谷州

門生為官萬山中座主卧病孤柳東臨別贈言敢自  
憂分憂出宰將誰同海邦鋒鏑灑飛雨山邑冠蓋馳  
狂風獨君所處寂幽僻高擁黃紬朝日紅由來清淨  
得大體莫把冗瑣徼新功冀黃滿朝人更苦浩歎豈



獨東坡翁

紅葉詩

病餘秋色忽相干紅葉吟來下字難雲斷夕陽低塞  
外風狂野燒上林端蕭蕭鞭影長亭遠耿耿燈華小  
塵寒更遣雁行天際去誰能鼻孔不生酸

廉東亭坐上趙文昌極談

先王眷憐之厚有感而記之重九日也

吾髮近來白菊花今又黃 玄陵教行淚不獨趙文昌

明日聞韓柳巷教遣人候僕還家蓋欲相携  
登高也平時幅巾往來無有少阻九日之會

胡為而睽乎吟成一首錄呈座下以資一笑

少日同翱翔老年同寂寞天公移我居亦是善戲謔  
杖屨聯花朝杯盤對月夕一旬無九阻有求亦易得  
今年重九日出游至天黑柳巷却在家蕭條嗅黃菊  
候我走留童把花香滿掬公真陶淵明我即邵康節  
相從固為圓相失亦何缺美景方未共非意無干淡  
東籬政爛熳白髮吾更鑷晚節保初心悲哉弄芳蝶  
柳巷携酒食來餉老夫云今日出游藉田別墅  
携樽向東里縱鞞出南郊衰草連平巷疎林露鳥巢  
神清取水鑑調古續絃膠寂寞還多味何曾賦解嘲



送克一上人省親益和縣

新髮曾遺世存心欲孝親高名聞已久亂道寫來新  
紅葉落滿地白雲飛作隣當年遠游客忽尔鼻酸辛

又賦

僧錄扶王化人倫重母恩隨身唯敗筆寄迹向空門  
崖斷餘千尺山明又一村益和江上路行色想難言

即事

蒲牕初日弄輕埃坐念浮生兩鬢催釋典儒書雜難  
整道情人欲忽相猜落花風細思禪榻明月江空夢  
釣臺又見東籬黃菊靜放翁光景儘悠哉

金漁友求銘乃祖幽堂因吟四首

大元天子撫桑墟貞烈公家奉詔初諸將無功終不  
問百年熙洽此權輿  
侍郎當日贊中書貞烈諸孫裕有餘以酒為名公雅  
量衆奔馳處獨徐

贊成令子樂閑居到老休官卧草廬曾向及菴叨半  
面吾今亦已駸毛疎

賢孫清潤玉壺如泮水同游夢墮虛勇退急流吾不  
及綠簑何日伴君漁

夜詠



夢田聞雨來悄然然未明久無聲溜滴始知風葉鳴  
蕭蕭送寂寞歷歷會輕清懷我歐陽子作賦名秋聲  
童子政熟睡帖然真大平永謝獲我心悠悠感浮生  
有懷柳巷

公游別墅十分清老牧宵中鄙吝生平野鷹韜霜後  
既長溪鱗火夜深明山川傍海東南豁星斗滿天西  
北傾未必江湖忘社稷感懷詩句幾篇成

從李三字索曲貼紙

年二門一省曲貼白如霜欲寫中和頌抽毫發興此

曉起

席溫遲起寢衣薄嬾開窓只挾心無累能教氣不降  
高吟瞻鴈塞清興向驪江忽有敲門客超然想石缸  
踈雨滿空庭幽人方獨醒地偏心更遠道大志初寧  
走鹿綠嶂碎飛鴻入杳冥大平歌一曲足以荅皇靈  
精誠從貫日寵利似浮漚剛厭揚州去深懷杞國憂  
葉黃猶細雨山紫已深秋老境知何處寒江一釣舟

歲經法席罷日

康安殿上法筵張龍象奔馳會十方乍出微聲分黑  
白已回和氣滿玄黃禪閑雷電連宵作教海波瀾盡  
日揚奉教當年製音讚至今猶愧僅成章



偶題

葉落龍蛇骨立多天陰雨危勢槎牙更教風雪相攻  
擊未必春來不放花  
開遍群花到菊華天公巧處亦云多相知只有淵明  
耳更天生渠可若何

教枝籬畔媚霜葩潤色韓山牧隱家此老豈知書甲  
子門前碧柳帶烟斜

曉吟

霜清皓月掛銀河北却中秋減已多自是老翁餘興  
在欲登樓去賞金波

誰教促織已停梭却遣風聲在樹柯獨有垣娥慰愁  
寂入牕偏照鬢皤

一片牧翁安樂窩野僧山鳥每相過天寒陌外將堆  
雪深坐更題長短歌

偶題

安危跬步地義利方寸心老矣不能辨悠悠吟復吟  
清風吹雜穢白日破重陰定靜有餘樂紅塵如海深

倩金沙釋印烏絲欄

面查金沙釋手印烏絲欄區畫內外定廣輪天地寬  
山輝疊群玉海濶揚層瀾繩墨足馳騁誰嗟行路難



待曹禮師

塵三刹二葉生風心畫方傳勤懶翁莫惜餘閑尋老  
救淨名方丈本來空

搬柴運水自天然染翰操觚豈弄權不是三師留手  
濯大平風月有誰傳

靜坐偶記九益都會刻燭賦詩第其高下激

厲諸生亦一勸學方便也予年十六七遊農

在其中初年得魁四五度次年二十餘在官

無全篇佳作一二聯異於他作耳其違律科

外亦得一等今思之可笑也擊瓮圖詩曰擊

分深瓮水中天便見兒童性命全  
稟三英姿

如欲救區區微物豈堪憐  
金貂可換鷹揚日

竹馬相隨續走年  
末句不記松風一聯  
虎嘯

暗從明月起龍吟  
萬入白雲傳  
所謂科外詩

也  
硯屏詩一聯云  
曲圍曉榻千層嶺  
倒瀉晴

牕一掬泉  
小池詩聯天晴過鳥影  
雨暗沸蛙

聲  
王昭君詩一聯  
滿袖香餘宮裏錦  
傾城色

變  
華端金江漲絕句  
李壯元資乙代予  
筆注

漲茫二遠柏空仰  
看星斗覺西東南  
村走報

苔磯沒急喚家  
鐘卷釣筒此詩儘有  
閑適之



趣李公筆勢今可想也餘皆忘之矣又於胡  
冲淵先生處學絕句賦閑居詩云籬落依  
傍斷山溪花半落鳥聲閑幽人興味須天賦  
明月清風不可刪歲甲申朴恥養李月城同  
掌東堂試乞罷詩賦用古賦策予亦念詩風  
花雪月而已文章豈止於此哉於是止不為  
雖或吟哦亦甚鮮也僥倖以來奔走職事又  
不得專意於斯病餘自悲時發為歌詩或有  
求者亦不固讓遂致同輩譏笑以為嗜詩予  
非嗜詩者也聊以舒吾懷耳追錄少作數聯

以示子孫因題一首

行年六七十我已好吟哦對策習助語連年登顯科  
塵埋絃欲斷苔蝕劍難磨重憶九齋日悄然成短歌

夢回月明滿牕因吟一首

月白吾頭白牕明吾眼明悄然坐深夜杳尔生遠情  
天險諒是恃民崑安可輕庭柯復何意城二送秋聲

曉起堂背菊可愛立賦一首

翠芳搖落獨鮮明妙合偏鍾一五精我又何嗟生大  
晚白頭相對淡忘情

連日有微雪



汝陽微雪記坡詩九月於都又一時飄向空中落無  
迹知梁巧闔菊蕊枝

小雪由來下月中曆家公龍占今同帝明大統頌未  
不幸有宣明松海東

元氣乖時雪一秋白頭相對政無聊孤舟直欲寒江  
釣鏡東明三驥上

詠盆松

雪履逢初日胡然在瓦公微塵含國主宛尔一乾坤

詠盆菊

秋自幽絕東籬已趁俗可憐青盆中區區對老奴

有感

學道雖然在讀書須知汗漫喪吾初焚膏繼晷苦不  
足養性事天今有餘禮樂周公思以得箇瓢顛子實  
如塵慙之火慶定何似霜雪滿頭牙齒蹉

妻兄萬戶室李氏夫人百齋昨日雪今日寒  
不得出門况山路邪縮坐自悲吟成一首

我初真鴈拜花原居近溪流正對門羹食滿盤碩黍  
鉢高軒塞路倒金尊雲離雨散之無迹日往月來空

斷魂病骨畏寒應更甚擁衾危坐想祇園

有感



歲月如流卧草堂吟哦敗筆欲堆床昂昂二二終安  
適唯二悠二祇自傷風葉亂飄山已紫霜  
猶黃病餘詞氣尤荒落光焰誰云萬丈長

即事

寂寞安身術虛靈出治源施功當寡欲致用豈多言  
雨霏山尖檻秋殘初映門馬無難遠出危坐  
水性自趨下誰論去與源分明歸大極端  
霧滿繁華地天滿道義門幸哉知所擇竟  
登山攀翠石恨  
蘇書開洞府松蓋  
綠髓無緣得蒼顏竟不言  
飛瀑餘千尺不知初發源

遊山

遊山真素願把筆謾高吟雪色峰巒  
畏途危欲墜福地杳難尋騁歸在清境如阻  
分發請會議興國寺無馬不能赴

相府招呼爛有光白沙官道繞蓮坊乍聞  
好欲得經邦策竅良爍爍諸公心似鐵堆  
如霜出無驢馬工深坐只合焚香祝廟堂

即事

非人磨墨二磨人墨入毫端變化神縱得淋漓  
軸祇增頭上雪霜新



鵲記俚語

雀畫傳言鼠夜傳耳垣相屬古猶然誰知一念纔萌  
慶紫爛光明已照天

添不曾知城却知由來人事畏分離兒孫團聚終身  
樂天地中間果是誰

前若貧居後富居人言此語定非虛莫嫌借屋頗移  
徒幸有承宣上直廬

有懷幻菴

寂滅元無隱宣揚却甚深真撥真鬼角似量似移心  
指或執為月鏡非燒有金兩忘情境處更向幻菴尋

柳巷暫入城來迥西巷又云今日出游別墅

病葉無由同往以寫鬱結聊用前韵以自解目

霜落河原氣已清兮教織翳眼中三峯出似畫疊橫

翠白月跳五更代明玉樹風儀徒自秀江都地勢豈

曾傾育中鬱結無從寫欲向無窮訪廣成

有懷

舊日情懷不可言老姦當國植私門長譴成病應銷

骨遺悶死吟秋新魂歸二趙時忘書意德二望道向

天原秋風一夜吹紅葉楚痛何時報國恩

有時危坐極忘言不用區區二大乎門鄒國關廷論養



氣楚辭哀怨賦招魂懷材未必成奇器志道何曾入  
天原唯有憂時數行淚只緣公義匪私息

龍頭大選云往黃州新得寺

龍頭大選尚童顏往院黃州茲往還問我駕臨將不  
步何時飛錫白雲間

岳嶺之西一海頭界定平壤是黃州客中一宿今猶  
記安岳同在福山游

成佛山中古寺多早雲禪老昔婆婆新詩寄我因風  
便曾記忙中逞一哦

圓明寺以醴泉忌席至有是作

南門勢突元進奉山巉巖微雨滿庭宇初日照松杉  
迥然出塵垢可以超仙凡皇元兩丞相胡服聯朝衫  
高興柳英密子昂筆如劖丹青有慘色勢極方畏謫  
幸我脫榮辱久矣忘撥織拜往丞相脫丞相之衣所在

昨謁天台嬾殘子凡上有筆新舊五六枝揀  
得善者二枝携以來吟成一首錄呈

中山毛穎号精強身染天台智者香先進摧頽將乞  
退後來尖利苦嫌藏鋒磨烏玉滋如露迹印華燄淨  
似霜已致兩生興禮樂漢家綿蕤冷無光

里正替修城丁夫



城堞緣山背 京向日開周道高 百雉區畫出三台  
管履施威 忽孤惇赴後 回金湯終在德 立馬獨徘徊  
白朮全盛地 外戶不曾關 刀斗時遺弃 閭闔夜往還  
白頭吟始苦 赤血淚頻潸 秋氣只淒惻 悠々方寸閒

有感

黃花含餘香 秋澗涯霜露 日以重飛雪 仍來如  
草木盡凋落 芳心吐金葩 感入非渠意 人自思無邪  
綠墻有秋草 嫩綠誠可憐 寒日正照耀 生意懸蒼天  
君子抱幽獨 對之方悠然 南山松與柏 鬱々當益堅  
紫芝生蒼崖 白雲為之封 四皓樂忘憂 相與潛蟄龍

松公君子操 女蘿胡 客臥二保 初心浩歎重又重

晨興

霜重晨興 徹骨寒 頭童便欲著毛冠 苦嫌逐法情多  
變頗信忘形志 自寬或因釋子談 三際每見儒生叩  
兩端過了 重陽風日好 黃花醉興未曾闌

斗在青天酒在泉 虛名自古謗流傳 淵明一醉非偶  
耳正則獨醒 今渺然紅葉野禽相上下 黃花寒蝶尚  
牽聯 碧雲談處風雷起 為問何山定有仙

獨酌

獨酌儘超然 客來亦何害 酣歌亂昏冥 白日沉烟靄



緬懷西園夜追隨有飛蓋魏晉成丘墟老衰增氣槩  
對菊有感

人情那似物無情觸境年來漸不平偶向東籬羞滿  
面真黃花對偽淵明

爛熳開時爛熳游烟紅露綠滿城浮山色又是秋風  
晚只有黃花映白頭

仁熙殿北白沙岡駐蹕群臣獻壽觴病裏苦吟秋又  
晚夢中時或待先王

龍沙漠漠又秋風哀草連雲落照紅折得黃花誰上  
壽海西千里是行宮

九月廿三日

玄陵忌旦無從赴齋筵獨坐有感

悵望 玄陵我昊天闔門生聚賴完全夢寐取之如  
一日宇宙悠々今六年僧影燭光迷殿閣鴈聲秋色  
遍山川誰知臣穡無窮意端坐清坐即梵筵

即事

火針決癰是鄉風邪氣無由尚在中止痛生肌膏更  
妙從來引逸有蒼亨

我生無疾不貽憂父母當年共白頭文見兒孫漸長  
大何嫌一病七經秋



剛柔歌

柔坤柔剛乾剛乾坤入用斯道光剛強柔弱生死徒  
能剛能柔君子曰涕出女吳今可想包羞忍恥夫何  
傷蝦蟆敢蝕月蟾也非其常公道皎如日萬世無久  
長柔有時而柔剛有時而剛知二字為其綱疾雷  
暴雨惠風溫煦我常默考休公徵奎中之道無不朽  
只從三德入五福敷錫庶民有餘裕

古風三首

玉在璞中藏其心非在積在積亦何傷善價非所瀆  
鳴乎沽之我仲尼亦惟谷歸歟可歸歟天昏立於獨

松柏諒曰壽冰雪堆崔嵬二絕人迹或是明堂材  
明堂不世作樓閣成塵埃何如保吾真終年號風雷  
志士惜日短功名垂不廟功名未可必倏忽雙鬢皤  
太上有立德愧我今蹉跎勉我勿中輟申之淇澳歌

夜吟

行年已知命身世轉悠哉細雨燈前落暮山枕上來  
憂時如杞國請始有燕臺恰到俱忘處心原冷欲灰  
白鷗波浩蕩何日我舟斜雪滿鏡中疑苔荒江上家  
疎林露青嶂寒雨泥黃花只得忘懷耳何嫌滓與查  
雨中人不至秋末我初寒茅屋又欲破蒲團猶甚寬



芝後秦嶺秀菊向楚江殘幽興將誰托悠三行路難  
忌日不吟今已棘口矣援筆即成  
母也如天報德難年三忌旦鼻生酸吟哦暫輟乳坤  
窄坐卧不便風日寒就濕回乾心懇惻養生送死禮  
凋殘何時更踏韓山路病裏光陰似轉丸

即事

風聲牕外日將斜白髮長吟氣自華欲頌大平添藥  
府更將清白繼名家雲收南嶺松浮影霜落東籬菊  
有花未必淵明能獨步茫茫天地暗塵沙  
白雲青嶂幾千重露骨崔嵬壓海東老嫗往來如走

犢病翁思想寄飛鴻僧然歷二松杉下佛界依二洞  
聲中扶上香爐峰頂立何時一嘯起長風

山童凌晨來

姆負中童踏曉寒來言夜半說惹顏忽然欲去誰能  
止雖有所求非甚難達理不須工翰墨持身只在童  
衣冠汝名汝可為師表竟禪湯沁自兩端

澆二易折莫爭雄最是忘情樂在中衰髮驚秋成老  
醜苦心憂國保初終我今殊命夫可慮尔董持身且  
盡忠晉有世臣陶靖節宛然千載有高風

晴旆



晴牕堪折塵空室欲藏春霜鬢雖棄物菊花如可人  
清香間尚在秀色坐相親幽澗不得往潛然露我巾  
伊山今若何霜露又黃花數入我夢依二聽君歌  
室中酒樽滿門外柳枝斜古道日已遠滄二如逝波  
徐開城頴辛巳同年進士也今日來訪喜之  
甚吟成一首

辛巳忘年意自濃回頭三十九秋風如今存者無多  
子忽此依然是兩翁黃菊滿籬微雪後青山當戶  
烟中相逢喜氣還相似一對龍吟政顯融  
安佐郎生子得壽

南鄰孤矢照門閭七日才過喜有餘北里茅茨傍崖  
谷五更方起夢回初無災無害行今世希聖希賢讀  
六書期望後生前董事花原外姓遍桑墟

薦閔安仁改班

默軒孫子政如雲獨我中郎好古文芸閣芥宮多隙  
地不妨危坐討三墳

詠狂僧

盡日獨行山影裏有時危坐市聲中永興深谷曾相  
見何處如今走似風

遇興



遇興詩成易求精筆下遲自甘前輩笑誰望後人知  
嶽瀆分崩際川原淨麗時有懷徒耿々彭澤是吾師

倫絕壩來過

天磨嶺北水潺々西岸觀音石窟間記得公流曾上  
下扑淵瀑布似廬山

觀音窟裏白雲深絕壩松風月滿琴老去曾中猶熱  
留何時携影去相尋

牧隱詩藁卷之十九

